



Uunga
Aaja Chemnitz Larsen
Inatsisartuni ilaasortaq
-/maani

Svar på § 37 spørgsmål vedrørende anbragte børn på efterskoler - kai.

15. juni 2015
Sagsnr. 2015-115701
Dok. Nr. 1992394

Apeqqtunut nassiunneqartunut qujanarujussuaq.

Postboks 260
3900 Nuuk

1. Meeqqat angerlarsimaffiup avataanut inissinneqarsimasut Danmarkimi efterskolertittarnerannut maleruagassat qanoq ittut malinneqarpat? Kalaallit Nunaata Sinniisoqarfia tassani qanoq atuuffeqarpa – ilanngutitinneqartuaannarpa?

Tlf. (+299) 34 50 00
Fax (+299) 34 66 66
E-mail: ian@nanoq.gl
www.naalakkersuisut.gl

Efterskole pillugu suliassanut ingerlatseriaaseq "Inuit annertuumik innarluuteqartut Danmarkimut inissinneqartarneranni ingerlatseriaaseq" aamma atorneqartarpoq. Naal.gl1. -imi takuuk.

Meeraq angerlarsimaffiup avataanut inissinneqarsimasoq Danmarkimut efterskoleriarniaraangat, Kalaallit Nunaata Sinniisoqarfiani Naalakkersuisoqarfiup immikkoortotaqarfia qanoq ikiuussinnaanersoq qulaani ingerlatseriaatsip taaneqartup nassuiarppaa. Aammattaaq Danmarkimi efterskolimiinnermut tapiissuteqartarpoq pillugu Namminersorlutik Oqartussat nalunaarutaat nr. 22, 23. december 2013-imeersumi § 20 isiginiarneqassaaq.

Meeqqat angerlarsimaffiup avataanut inissinneqarsimasut Danmarkimi efterskolernissaasa aallartinnginnerani, qulaani ingerlatseriaaseq taaneqartop malinneqaraangat Kalaallit Nunaata Sinniisoqarfia ilanngutitinneqartuaannarpoq. Ingerlatseriaaseq malinneqarpat Kalaallit Nunaata Sinniisoqarfiani Naalakkersuisoqarfiup immikkoortotaqarfia, sullissinnermut immikkoortuusooq, meeqqanut angerlarsimaffiup avataanut inissinneqarsimasunut akuerisaasumik Danmarkimi efterskolereffissamik ujariussilluni ikiuisinnaavoq. Taassuma avataatigut immikkoortotaqarfiup ilaatigut Danmarkimi kommunit attavigissavai, inuusuttunut efterskolertiartunut najugaqarfittut kommuniussat, kommune nunatsinneersoq sinnerlugu innuttaasumut iliuuseqartussatut kommuninngortumut utertitsinissaq pillugu neriorsuummik suliaqassaaq, taavalu siunnersuinnermut aqutissiuinnermullu tunngatillugu ikiutissalluni, taamaasilluni sulianut taakkununga Danmarkimi aalajangersakkat malinneqarniassammata.

2. Meeqqat allat atugassaasa assingini atugassaqartinneqarpat? Meeqqanut angerlarsimaffiup avataanut inissitanut immikkut efterskolenik toqqaasoqartarpa?

Apeqqt 1-imut akissut innersuussutigineqarpoq.

Inunnik isumaginninnermi sullissinnermi inatsimmi § 66 naapertorlugu, meeqqat angerlarsimaffiup avataanut inissinneqarsimasut efterskolinut meeqqanik angerlarsimaffiup avataanut inissinneqarsimasunut akuerineqarsimasunut kisimi inissinneqarsinnaapput.

3. Nunatsinniit meeqqamut angerlarsimaffiup avataanut inissitamut ilaqutariittut attavissat danskit kommunianniit paaqutaqarsinnaasutut akuersissuteqassappat? Tamanna inuusuttup efterskolemi aallartinginnerani isumagineqartarpa? Kia tamanna qulakkiigassarivaa?

Kalaallit meeqqat tamarmik Danmarkimi efterskoleriarnissamut qinnuteqartut, Danmarkimi ilaqutariittut attavissaminnik atuarnermi nalaanni peqartussaapput. Meeqqat angerlarsimaffiup avataanut inissinneqarsimasut Danmarkimi angajoqqaarsiaqartussaapput. Angajoqqaarsiat taakkua Danmarkimi inatsisiliornerit naapertorlugit nalilersorneqassapput akuerineqarlutillu. Ingerlatseriaaseq malillugu, Danmarkimi efterskolerialersup inuusuttup akuerisaasunik angajoqqaarsiaqarnissaa siumut qulakkeerneqartarpoq.

4. Inuusuttup nunatsinnut attaveqartuarnissaa qanoq qulakkeerneqartarpa, efterskolellu naammassereerneratigut angajoqqaarsiassat qulakkeerneqareertarpat? Tamanna tamatigut qulakkeerneqartarpa?

Kalaallit Nunaanni angerlarsimaffittut kommuniup inuusuttumut suliaq, Kalaallit Nunaanni inatsisiliorneq malillugu, suli paarissavaa. Kalaallit Nunaanni ulloq unnuarlu paaqqinnittarfiup imaluunniit angajoqqaarsiat inuusuttumut attaveqarnerat assigiinneq ajorpoq. Ilaannikkut attavigiinneq ingerlanneqartarpoq, ilaannikkut ingerlaqqinneq ajorpoq. Taassuma avataatigut Kalaallit Nunaanni ilaqqutatt attaveqatigineqarsinnaapput, ilaannikkullu ilaqqutatt Danmarkimi najugaqartut attaveqatigineqarsinnaallutik. Inuusuttup Kalaallit Nunaanni angerlarsimaffittut kommuniup, inuusuttup Kalaallit Nunaannut attaveqarnissaa qulakkiissavaa.

Meeqqat angerlarsimaffiup avataanut inissinneqarsimasut tamarmik iliusissatut pilersaarusiorfigineqartussaapput. Meeqqanut angerlarsimaffiup avataanut inissinneqarsimasunut Danmarkimut efterskoleriartunut aamma tamanna atuuppoq. Inatsisitigut tunngavissatut Meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersumi §§ 14-15 atorineqartarput. Najugaqarfissanik neqerooruteqarnermi Danmarkimi imaluunniit Kalaallit Nunaanni tikeraarluni angalanerit najugaqarnerillu pillugit nalunaarut nr. 1389, 12. december 2006-meersaq naapertorlugu iliusissatut pilersaarut ukiup affakkaarlugi nutarterneqartassaaq.


5. Danmarkimut efterskoleliarnissami meeqqap pineqartup ilaqtai qanoq akuutinneqartarpat?

Meeraq angerlarsimaffiup avataanut inissinneqarsimasooq Danmarkimut efterskoleriarnissaminut akuerineqaraangat, Kalaallit Nunaanni inunnik isumaginninnermi oqartussaasut angajoqqaat/angajoqqaatut oqartussaasut allakkatigut akuersissutaat qulakkeertussaavaat. Meeraq Danmarkimiitillugu Kalaallit

Nunaanniittunut angajoqqaanut/angajoqqaatut oqartsusaasunut attaveqarneq pillugu
inuttaasumut iliuuseqartussatut kommuni, efterskole aamma Kalaallit Illui ikiutissapput.

Inussiarnersumik inuulluaqqusillunga

Med venlig hilsen



Martha Lund Olsen